



UNIVERSITÄTS-
BIBLIOTHEK
PADERBORN

Petri Cvnæi de Repvblica Hebræorum Libri III

Cunaeus, Petrus

Lvgd. Batavor., 1632

Benevolis lectoribus salutem dico.

[urn:nbn:de:hbz:466:1-65527](https://nbn-resolving.org/urn:nbn:de:hbz:466:1-65527)

Benevolis lectoribus

salutem dico.

REPREHENSVS olim Albutius Rhetor est, quod de omni causa dicere cuperet, non quicquid debebat dici, sed quicquid poterat. Nos an in his commentationibus executi simus quæ dici oportebat, aliis judicandum relinquimus. At illud certo scimus, & profiteri non erubescimus; plurima nos prætermisisse, quæ dici poterant. Enimvero, cum ante nos argumentum hoc tractavissent viri duo eruditissimi, Carolus Sigonius, atq; Cornelius Bertramus, nolebam actum agere, aut quæ ab illis dicta essent, molestissima iteratione repetere. Quare hîc nos quædam aliarum rerum summa fastigiosa pervasimus, quæ ad reipublicæ hujus constitutionem pertinerent. Atque adeo, omissis illis, quæ Sigonius Bertramusque vulgaverunt, liberrima scriptione huc congeessimus, quæ aliunde nobis in promptu erant. quæ profecto & plurima erant, & omnino digna observatu esse videbantur. Bonam autem partem eorum nobis suggestit Rabbi Moses Ben Maimon Ægyptius, cujus industria sagacitasque omni prædicatione est major. Eum luculentum autorem

rem

rem transmisit ad nos vir amplis-
simus, Ioannes Borelius, qui potentis-
simis Zelandiæ Ordinibus à secretis
est. Vtique quantumcunque est illud,
quod nobis monumenta maximi Rab-
bini perlustrantibus mirifice placuit,
id omne acceptum ferri ejus viri hu-
manitati debet, à quo eximium illum
rerum Iudaicarum scriptorem accepi-
mus. Nos neminem scimus, in quo
nunc plus præsidii Hebraismus, quam
in Borelio, habeat. Adeo ille ingen-
tem thesaurum ex Oriente eorum vo-
luminum comportavit, quæ nun-
quam aut raro vidit noster orbis. Vos,
qui harum rerum studio tenemini,
summam ejus viri eruditionem, pro-
pensamque ad literas ornandas volun-
tatem diligite, colite: & ex locuplete
ejus Bibliotheca quondam omnia præ-
clara atque incomparabilia expectate.

INDEX